


WIDENER



HN KZAU 6

HISTORIA
ABBATIAE CASSINENSIS
PER SÆCULORUM SERIEM,
D I S T R I B U T A,


Qua Leonis Chronicon a Petro Diacono ad annum MCXXXVIII.
continuum in plerisque suppletur, & ad hæc usque nostra
tempora ex probatissimis, authenticisque documentis
producitur, insertis, operis initio, Monasterii
descriptione, & ad calcem pro laudati
Chronici authoribus apologia,

S T U D I O, & L A B O R E
D. E R A S M I G A T T U L A

*Cajetani, Abbatis sancti Matthæi Servorum Dei, & celeberrimi
Cassinensis Archivi Custodis.*

P A R S P R I M A

A primo constructi Monasterii sæculo¹, nempe ab anno Christi DXXIX.
ad sæculum VIII. seu ad annum Christi MCC.



V E N E T I I S, M D C C X X I I I.

A P U D S E B A S T I A N U M C O L E T I.

S U P E R I O R U M P E R M I S S U, A C P R I V I L E G I O.

7416

1311

#4

Ital 3797.1

Price Greenleaf fund
(2 vols.)

LOCENTUR TABULÆ.

I.	pag.	VII.
II.	pag.	VIII.
III.	pag.	VIII.
IV.	pag.	XIII.
V.	pag.	XIV.
VI.	pag.	XII.
VII.	pag.	71.
VIII.	pag.	82.
IX.	pag.	164.
X.	pag.	364.



nec consulto interpolator lib. 3. cap. 23. inter acta Desiderii Abbatis Cassinensis intexere debebat expeditionem illam duodecim Monachorum in Sardiniam, ibi Barefone regnante. Aeternis Barefo solum anno MC L XIII. ex iudice rex Sardinia fuit dictus a Friderico Enobarbo, ut Synchronus Morena, Albericus, Sigonius, Calchus noster, alique antiquiores, & conterranei mox laudandi sub dicto anno MC L XIV. concorditor produnt. At Interpolator Barefonem, & expeditionem illam consignat anno V. Desiderii, qui tamen Abbas fuit ab anno M L V III. ad M L XXX V I. quo Pontifex electus, dictusque Victor III. Leo vero ad summum vidit annum MC XV. teste commentatore Angelo a Nuce sub num CCCC LV. (qui anachronismum non observavit) scripsitque suum Chronicon ex mandato Oderisii Abbatis, cui est nuncupatum, ut initio Prologi Oderisius vero est successus Desiderio anno M L X X V I. ut Leo ipse III. L X XIII. testatur. Hoc porro sacculo XI. ex quo Johannes XV III. (al. XIX.) circa annum M IV. occupantium dixerat Sardiniam, & Corsicam, hanc Genuenses, illam Pisani tenuere, Musato Saraceno rege ab utraque depulso anno M XV. ut adhuc etate Desiderii Barefone nondum nato nullus fuerit rex in Sardinia, quae tunc a Pisanis quadripartita quatuor iudiciis Caralitano, Arborensi, Turritano, & Galuritano administranda fuit tradita quoad Enobarbus Arborensensem Barefonem regem instituit. Hec necdum ex laudatis scriptoribus, sed etiam luculentissime ex Chronicis variis Pisanorum editis a Clar. Muratorio (C. H. t. 6.) ex quibus praesertim ex Breviario hist. Pisan. a col. 164. novimus dicto seculo XI. semper, vel Pisanos, & Genuenses de Sardinia contendere, vel federatos a Sardinia Saracenos expellere, & apposite sub anno M L. Mugetum Balearium insularum regem Sardinia invasorem a Pisanis felicissime captum. Hinc omnis evanescit suspicio illum regem seniore nomine Barefonem, vel Barefonem regnare potuisse in Sardinia ab anno M L V III. ad L X X V I. ut falso scribit Interpolator Leonis; huius enim regis nullibi vestigium ullum apparet. Ex adverso cum ex dictis Chronicis, tum ex annalibus Caffari nuper & primo editis a Clar. Muratorio dicto t. 6. sub anno M C L X I V. a col. 293. annuente Friderico de Fridericis epist. ad Scioppium sub eodem anno integrum negotium, & quae de Barefone praenarravimus sincere, & fuisse intelligimus.

Hoc tamen loco interpolatum fuisse Leonem nostrum celeberrimi auctoris pace nemo unus dixerit, qui antiquos ipsius codices, alterum Langobardicis, ut vocant, literis exaratum, Latinis alterum hoc praesertim capite. 23. lib. 3. cum recens edito ab Angelo de Nuce animadverterit prorsus consentire. Huius etiam duodecim Monachorum in Sardiniam expeditionis, & alterius duorum, qui missi postea fuerunt, meminit Leo cap. 24. & cap. 26. quo ultimo de Aldemario loquens haec habet: Qui meus in conversione magister extiterat, qui in Abbatem Fratibus in Sardiniam missis dudum fuerat ordinatus, postquam reversus ad Monasterium est, in ecclesia S. Laurentii, quae appellatur foris muros, Cardinalem simul, & Abbatem (Alexander Papa II.) sacravit &c.

Nec omittendum, Leonem Monachum induisse, quo tempore Cassinense Monasterium regebat De-

siderius Abbas, ut idemmet testatur in Prologo libri tertii Cassinensis Chronici hisce verbis: Tunc pro maxima, quam idem pater Desiderius in me ab ipsa fere infantia habere dignatus est, dilectione, cum me vix dum quatuor & decem annos egressum in hoc sancto loco quamlibenter suscepit, instruxit, enutrit, ac protexit. Quare fatendum, optime ipsum Desiderii Abbatis gesta perspecta habuisse.

Nec praeterea falsus fuit Leo, cum Barefonem appellavit Sardiniae regem, quo etiam regis nomine Torchitorio nuncupavit cap. 24. quod & praestitit Petrus Diaconus, qui anno MCXXXVIII. Cassinensis Chronici Librum quartum absolvit (cujus authographum Langobardicis characteribus exaratum penes nos est.) Quis enim dixerit, non debuisse Leonem, & Petrum, illis iisdem nominibus viros istos appellare, quae in donationum diplomatibus, eorumque sigillis sibi ipsis, suisque successoribus tribuebant? quod jure, an injuria praestitum ab istis viris fuerit, ad Leonem, & Petrum discutere non spectabat.

Itaque in privilegio, quo Cassinensi cœnobio ecclesias S. Mariae de Bubalis, & S. Eliae de Monte sancto donavit Barefo hac insunt verba: Et nullus Rege quost obito nostro rennabit &c. Nicita lebita iscribamus in palatio Regis iscrisi. Et plumbeum pariter signum, quo obliqnatur, hinc caput hominis, inde scriptum habet: Barefone Rex.

Hoc autem privilegium, cujus authographum in archivo nostro servatur, quodque referemus in dissertatione de Cassinensi jurisdictione de verba ad verbum, reperitur in veteri privilegiorum, ac donationum monasterii Cassinensis regesto, quod jubente Seniorecto Cassinensi Abbate, qui ab anno MCXXVII. ad XXXVII. monasterio praefuit, concinnatum fuit, & eidem Abbati nuncupatum a Petro Diacono. Igitur regesti huius fol. 68. nu. margin. 150. hoc Barefonis privilegium Langobardico characterē conscriptum hanc habet rubram epigraphen: *Præceptum Barefonis Regis Sardorum de Monasterio sancta Maria in Bubalis Desiderio Abbati.*

Ejusdem pariter regesti fol. 259. num. margin. 639. isthæc Torchitorii regis charta describitur, qua sex in Sardinia ecclesias monasterio Cassinensi donavit, adhuc ut Desiderius tunc temporis Abbas cœnobium ibi edificaret, atque hoc in diplomate Torchitorius semel, & iterum Rex appellatur, diciturque a Deo electus, vel coronatus.

In nomine Domini nostri Jesu Christi Dei aeterni. Anno ab incarnationis ejus M L X V I. regnante domino nostro Torchitori Rex Sardinia de loco call. una cum uxor sua domina Veri, & filio ejus dompno Constantino fecimus carta ad honorem domni nostri Jesu Christi ad ecclesia, & monasterio S. Benedicti a tempore Dompni Desiderii Abbatis pro redemptionem animabus nostris, & de nostris parentibus, & si est ut mandetis ad nos vester monachus cum Codicibus, & omnis argumentum ad monasterium fivere, & regere, & gubernare, damus eis sanctum Vincentius de Taverna cum plures servos, & cum omnia quantum habet, & S. Maria de flumine Tepidus, similiter, & S. Martha, similiter, & S. Pantaleo de Olivano, similiter S. Giorgi de Tulvi, similiter & S. Maria de Palma, similiter ad faciendum monasterium

sterium ad honore S. Benedicti de Monte Casino, ut in die iudicii dimittat nobis Dominus hominibus peccatis nostris. Ita dicimus & confirmamus, & restamus. Primus omnipotens Deus, & omnibus sanctis, deinde filios meos Tirchi, & Mariane, & fratres meos dompnelli Petro, & Domnikellus comita, & zio meo zerkv Deravo, & Constantinus de Orrobu loco Salvatore; & ego Constantinus Diaconus dictus nomen de Caltra scripsit hanc carta precipiente mihi domino meo Torotorius rex a Deo electus, vel coronatus octavo anno regno ejus tertio nonas Madias, indictione quarta in vico que dicitur Uta, & i quista cartula vult destrueri, aut francere sit anatematizatus da Patrem, & filium, & spiritum sancto. Amen, fiat, fiat.

Has memorat sex ecclesias Leo noster laudato capite XXIV., & Eugenius Papa III. Villano Pisano archiepiscopo scribens, cui precipit, ut eas Cassinensi monasterio restituendas curet; easque litteras ad maiorem donationis hujus claritatem ex supradicti regesti fol. 259. num. marg. 640. hic transcribimus: Eugenius episcopus servus servorum Dei Venerabili fratri Villano Pisano archiepiscopo salutem, & apostolicam benedictionem. Adversum Venerabilem fratrem nostrum A. Sulcensem episcopum dilecti filii nostri Raynaldi Cassinensis Abbatis querelam frequenter accepimus, quod ei de sex ecclesiis videlicet S. Vincentii de Taverna: S. Maria de flumine Tepido, S. Martha, & S. Pantaleonis de Olivano, & S. Georgi de Tulvi, & S. Maria de Palma, quas ad jus monasterii sui asserit pertinere, injuriam faciat, & eas per violentiam, & injuste detineat. Quia ergo idem monasterium ad jurisdictionem B. Petri speciali prerogativa pertinere dinoscitur, & in sua ei iustitia deesse non possumus, nec debemus, per presentia scripta fraternitati tue mandamus, quatenus predictum fratrem nostrum proximis Kalendis Maji pro eadem controversia terminanda ante tuam presentiam evoces, & allegationibus, ac rationibus utriusque partis diligenter auditis, recognitis, per iudicium, vel concordiam eidem causa finem debitum Domino autore imponas. Predicto siquidem termino memoratus Abbas pro eadem causa sufficientes personas ad tuam presentiam destinare curabit, nihilominus quoque tibi mandamus, ut controversia, quam Turritanus archiepiscopus adversus monasterium S. Maria de Tergo super ecclesia S. Petri intra Cingla, & S. Maria de Tanache in presentia predecessoris tui G. m. Balduini archiepiscopi movit, iustitia mediante studeas definire. Præterea sententiam, quam super iudicio quondam Constantini de Arhena beato Benedicto fecisse dinoscitur, tua fraternitas promulgatum digno effectui mancipari, & firmiter observari.

Immo Petrus Diaconus Chronici Cassinen. lib. IV. cap. 67. multas ecclesias indicat ab aliquibus Sardis dono datas monasterio Cassinensi, & hujusmodi donationum nos saculo sequenti quasdam referemus. Illud autem in presentiarum quod ad rem nostram facit notandum est, quod quamvis in privilegio Gunnarii de Laccon anni MCXX., cuius habemus authographum, facta dicatur donatio cum consensu Dompni nostri Iudice Gostantine de Laccon, atque adiciatur testibus: Ego Iudice Gostantine de Laccon, plumbeum tamen sigillum ex altera tantum parte habet; Gostantine Rege;

quod idem observatur etiam tum in donatione Furati de Githil data XXV. Aprilis sextadecima die Lunæ, tum in privilegio, quo ecclesiam S. Michaelis in Ferrucefi cum pertinentiis suis donavit Comita. Præterea in diplomate Gunnarii de Laccon anni MCLIII., cuius sigillum habet Gunnari Rege, notandum est maxime ad rem nostram, quod facta donatio dicitur cum voluntate Dei, & de Fiumen Baresone Rege, & Dessimjere pretiosa, de Orrubu Regina &c. Quin etiam in alio privilegio ejusdem Gunnarii, quo bona aliqua donavit S. Maria de Tergo verba leguntur nuper adducta.

Sane vero in donationis tabula, qua Constantinus de Carbian ecclesiam sancti Petri de Simblanis monasterio Cassinensi concessit, cuius donationis authographum in nostro archivio Cassinensi asservatur, asseritur facta donatio his verbis: Auxiliante Domino Deo &c. Ego Gostantine de Carbian, & muliere meam Jorgiam de Zzorri ci la fanno ista cartam cum voluntate de Deus, & de su Donnum meum Iudice Gostantine, vocabito nomine de Laccon, & de xa muliere Donna Marcusa dicta nomina de Gunale, & cum voluntate de Archiepiscopum Donnum Azza, & de Donnum Nicolaus episcopum, & de totu Filios meos Luaffuvio assantum Petrum de Simbranos sa clesiam mea assantum Benedicto de Monte Cassinum pro appatila in potestate sua a pace de sanctum Venedictu, & fazzatinne calebolet a patila benedicta sanctum Venedictu Amen, amen, amen.

Et quamvis in donatione ista dicatur, quod facta sit cum voluntate de Deus, & de su Donnum meum Iudice Gostantine vocabito nomine de Laccon, desinit tamen in hæc verba: Ego Gostantine de Marro-na iscripsi ista carta imperante me Donnu meu Iudice Gostantine Rex a Deo electus, vel coronatus. Hunc autem titulum habet donatio isthæc in laudato Petri Diaconi regesto fol. 249. a t. num. marg. 595. oblatio Constantini de Carvia de sancto Petro in Simblani.

Ex integro autem referimus Constantini de Laccon donationem, eo quod plura in ea sint notatu digna, & præsertim verba illa: Ego quidem Gostantine gratia Dei Rege vocabito nomine de Laccon simul cum uxore Marcusa Regina dicta nomina de Gunale &c.

Auxiliante Domino Deo, atque salvatori nostra Jesu Christo, & intercedente pro nobis beatam, e gloriosa Birgo Mariam, & B.S. Petro principe omnium Apostolorum, & beato S. Gabinio, Proto, Me Januario Martire Christi, sub cuius protectione, & defensione gubernatos nos credimus, & xe salvatos: Ego quidem Gostantine gratia Dei rege vocatibo nomine de Laccon, simul cum Uxore Mcarcusa regina dicta nomina de Gunale facemus sta carti a pro S. Maria de soliu ci fuit clesia de Regnu, ed ego Affiliolas appare cum S. Nicola de Soliu ci fecit Furatu de Gitil, e Susanna Dezzrisa muliere ed ipsos petter unimin de voluntate pro affiliare las appare. Ed ego offolis appare aprossi in una plebe, & pro indulzat Deus do xa peccata mea, & de muliere mea, e bocola sa familia de onnia opera canta facean usciadore, & non fiat non Iudice, nen curatore cindelebet a nulla opera non de regnonde peculiare, & pastore non demittam, nen de regnu, nen de peculiario seneboluntate cilae, & tenere

